

## Plausch Volleyball vom 2018

Im Volleyball hämmer immer no wüekli de Plausch – was eus dodezue no fehlt sind Spielerinne oder au Spieler. Jetzt sowiso wo d’Karin und de Christian fehled. Karin het no bevor si gange isch en grosse Ufruef gmacht und det drüberabe händ sich drüü Netzballspielerinne vo Würelos zur Verfügig gstellt – is Volleyball z’cho. Suscht hettet mir für die ganzi Ziiit bis Karin und de Christian wieder zrugg wäred – s’Volleyball usfalle loo müesse. Jetzt will mir die Unterstützig vom Netzball übercho händ chömmer wenigstens immer wieder spiele. Min Isatz isch au do nume reduziert gsi und jetzt het leider au d’Annemarie müesse pausiere und wenn denn nomol öpper usfallt wird’s eng. So hämmer i de letschte paar mol wüekli nume drüü gäge drüü chönne spiele. Au wenn mir nume drüü uf em Feld sind passiert’s dass mir ab und zue en Mitspieler oder Mitspielerin abschüssed was au immer wieder en Grund isch dass mir viel lache chönd. Ganz sicher isch – mir gnüssed die Mändigobig immer wieder und freued eus ufs nächschte mol.

Helga